

qui Provincialis, ut vocant, *Franciae* obiit a. 1321. relictis *Moralitatibus* in S. Biblia, sive, ut volunt Ordinis Bibliothecarii T. I. p. 548. *Postillis*, e quibus postea *Moralitates* excerptae fuerint. Id, quod veri simile fit cum e *Codicibus mss.* quos ibidem excitant, tum e formula nostra: *post fratrem Jacobum*, quasi dicas, spicas in ejus agro lectas. Convalescit id e collatione; adjacet enim mihi Editio perrara *Operis Moralitatum preclarissimi Fratris Jacobi de Lusanna &c. Lemouicis 1528. 8.* ad cujus calcem hae *Moralitates a Postillis excerte* dicuntur. Quamvis vero non idem hujus Editionis, ac nostri Exempli Excerptor fuerit, manifeste tamen adparet, utrumque suas in eodem agro spicas legisse. *Postillae* ipsae lucem nunquam videre, neque integrum earum Exemplar nactus fuisse videtur *Lemovicensis* Editor ille, qui *Moralitates in Prophetas minores* omiserit, quibus pollet Codex noster a fol. 219. Quamvis, ne quid dissimulem, et *Joel* initio, et *Habacuc* fine, et *Osee* utrinque mulctatus sit. Quam parum etiam Noster dissimulaverit, argumento fit Conclusio *Proverb. fol. 209. Sic multi intrant ovile ecclesie per multas fraudes, sed cum optinent, bonos opprimunt et sepeliunt, malos exaltant et nutriunt. Nota de milite normanno, qui uerberabat (canes) leporarios et defendebat lupum contra eos. Nota truffam (Joecum) et applica. Item Conclusio Habacuc fol. 268. p. 2. Ecce iste coopertus est auro et argento.*

*Et omnis spiritus non est in uisceribus eius. Hoc potest dici de multis in ecclesia. Cooperti sunt auro et argento propter dignitatem quam habent et tamen nil spiritualitatis habent in se. Nota factum 1. Reg. 19. quomodo nuncii regis contenderunt invenire david. Et inuenerunt statuum et pellem pilosam caprarum ad caput eius et hoc totum fecerat michol. applica ad canonicos et prebendatos in ecclesia.*

## CXLVII.

Codex chartaceus lat. Sec. XV. U. 29. Folior. 418. f. per duas columnas bene scriptus et rubricis distinctus e memorati *M. Thomae Wulfel de Wuldersdorf* Legato continet *Nicolai de Lira O. M. Postillas in Proverbia, Ecclesiasten, Canticum Canticorum, Sapientiam, Ecclesiasticum et Psalterium.* Ad oram infimam p. ult. ego *sigismundus* (Puchperger) *finivi martini 1454.* Saepius has *Postillas* et serosum, et cum *Bibliis* glossatis typis vulgatas fuisse, jam non semel diximus.

## CXLVIII.

Codex chartaceus membranis U. 37. immixtis lat. Sec. XV. Folior. 412. f. per duas columnas probe scriptus et rubricis distinctus, legatusque olim a noto *Thoma Haselbachio* Collegio Ducali *Vien.* ut praevis notatum est, hunc praefert Titulum: *Expositio bugonis postillatoris super Proverbia Salomonis.* Ita deinceps in *Ecclesiasten,*

*sten*, in *Cantica*, et *Sapientiam*, prout hae Expositiones leguntur T. III. *Postillarum* saepe jam memorati *Hugonis a S. Caro* ex Ord. Praed. Cardinalis *Lugd.* 1645. f. Ad calcem addidit Librarius: *Vlricus Planck pedellus theologorum finivit hunc librum scriptum suis manibus proprijs Sub Anno domini Millesimo Quadringentesimo Quadragesimo quinto*. Puta solum Librum in *Sapientiam*; anteriora enim non ab una manu sunt, et, quae in *Cantica*, ab elegantiore quidem.

Ad *Codicem* utrinque convestiendum miro consilio *Hafelbachius* membrana per medium secta adhiberi iussit Literas a Concilio *Basileensi a. 1442. VII. Id. April.* ad se datas, quibus ei commendabat *Bartholomaeum Ep. Cornetanum*, *Nicolaum Amici* et *Jobannem Keck* Theologiae Magistros *Felicitis V.* et suos Oratores ad *Fridericum III. Imp.* ut eorum dictis fidem habeat, et caussae apud Principem patrocinetur, *sicuti magistrum Theologie decet*, quo loco *to magistrum Theologie* rescriptum est, deleta compellatione primitiva, quae fortassis infra dignitatem Nostri erat. Nihil de hoc negotio vel in *Vita illius P. I. Scriptt. Univ. Vien.* p. 138. vel in *Conspectu Hist. Univ.* ad h. a.

## CXLIX.

U. 133 Codex membraneus lat. Sec. XIII. Folior. 131. f. luculente et pereleganter exaratus, rubricis, iconismisque linearibus ornatus

hanc in anteriore theca notam praefert: *Hunc librum legavit felicis recordationis honorabilis vir dominus philippus altarista ad celiportam* (Virginum quondam Canon. Reg. S. Aug. Collegium) *pro libraria Collegii ducalis*. Continet autem I. *Expositionem Honorii Super Cantica*, quae prostat in *Bibl. PP. Lugd. T. XX. p. 1153*. At vero, dum Editio incipit: *Donum Sapientiae cum Salomone poscenti*, neque *Abbatis*, ad quem *Honorius* Expositionem *Libri David*, nempe *Psalterii* miserat, nomen exprimit, *Codex* noster ita orditur: *Symoni Donum Sapientiae cum salomone poscenti honorius a uero pacifico postulata consequi. Quia predecessori tuo beatę memorię uenerando abbati Chuononi librum dauid utcunque explanauit &c.* En *Cunonem* abbatem, cui *Simon* abbas successit. *Cunones* in *Gallia* raros; frequentiores in *Germania* fuisse, uti *Conrados*, e quo nomine contracto *Cunones* orti sunt, docet *Historia*. Quorsum istud? Ad aperiendam suspicionem, nimis liberaliter hactenus in *Honorium* Presb. et Scholasticum *Augustodunensem* congestum fuisse, quidquid *Honorii* nomen praeferret, et *Honorium* illum, qui jam *Solitarius*, jam *Inclusus* inscribitur, hominem potius *germanum* haberi debere. Nec moveat *Honorii Augustod.* Libellus IV. de *Luminarib. Eccl. c. ult.* in quo ipse omnia Scripta, de quibus quaeri possit, sibi adtribuit. Non enim *Vir modestus Opuscula sua non spernenda* adpellasset, neque adferu-